



Xovxwm 4/2018

Nov yog kuv tsab xovxwm rau 4 hli 2018 no. ua Vajtswv tsaug rau tej dejnum uas nws tau muab pub rau kuv ua,thov Vajtswv foom koobmoov rau txhua tus uas muaj feem sibkoom ua Vajtswv tes dejnum. Lub 4 hli tas los no kuv tau ua dejnum nrog rau Xh.Foomtsav tub wb muaj mus pab kho thiab tu tej tsev thiab tej chaw nyob rau ntawm qhov chaw uas tos txais cov menyuam hmoob tuaj nyob kawm ntaubntawv thiab kawm kev txawjntse, lub 5 hli ces cov menyuam twb yuav rov tuaj kawm ntawv lawm thiab.

Peb ho muaj qhia Vajtswv txojlus rau cov Xibhwb ,txwjlaus,thiab lawv cov pojniam. Zaum no yog Xh.Keebkwm (Dominic) tuaj qhia peb hais txog kev txim tsa pawgntseeg, thiab txhaj moozoo thiab kev ua Vajtswv dejnum. Thaum cov tub kawm tuaj txog peb muaj koj lawv mus pab kho ib yim txwvcuab lub tsev nyob rau pem zog Toostaus Chiangrai, yim txwvcuab no lawv txom nyem heev, ces thaum los nag xob nag cua los ces muab lawv lub tsev ua vau piam tas li lawm, ces kuj muaj cov Nomtxwv pab tuaj kho lawm thiab, ces peb mus txog peb ho mus pab kho ntxiv rau kom ruaj khov kom zoo me ntsis thiab.

Thaum peb kawm Vajtswv txojlus tas lawm,peb tau koj ob peb tus tub kawm mus pa bib tus ntseeg lawv khawb teb cog qhiav thiab,ces Xh.Foomtsav tub wb kuj nrog lawv mus khawb teb thiab, sab kawgnkaus li tsi hais cov tub kawm los yog wb,peb mus pab lawv tau 4 hnuv nkaus sab tiag tiag li,vim muaj coob tus tsi tau ua teb los ntev lawm,qhov uas peb mus pab tus ntseeg no, vim tas nws nrhiav tsi tau neeg mus pab nws khawb teb es nws tuaj thov peb saib peb puas khoom mus pab nws, yog ib qho zoo uas peb tau mus pab nws, ua rau nws zoo siab thib peb tau qhia Vajtswv kev hlub rau nws thiab, ua Vajtswv tsaug. Tiam sis tu siab me ntsis tias peb tsi muaj sijhawm pab kom nws cov teb tiav tas nrho raws li siab xav vim peb tseem yuav tau los mus pab kho ib tus ntseeg lub tsev nyob rau nram zog Pasqhammai Tak, thiab peb yuav los musk ho thiab tu tsev thiab chaw nyob rau ntawm lub chaw tos cov menyuam hmoob tuaj so es mus kawm ntawv. Ces peb los mus rau nram Tak lawm, co job peb tus tubkawm mus pab kho tsev rau tus ntseeg, peb mus yuav vuas tshiab thiab koj los vo tiav tas nrho rau nws, kom los nag los tsis txhob ntub nws. Txhua yam dejnum no yog Vajtswv foom koobmoov kawgnkaus li,peb thiaj li ua tiav,ua Vajtswv tsaug.

Thov sawvdaws pab thov Vajtswv rau::

- Cov menyuam hmoob uas tuaj nyob rau ntawm chaw so es mus kawm ntaubntawv.
- Kom nrhiav tau kev pab rau cov menyuam hmoob uas tsom nyem.
- Rau peb kev qhia thiab kawm Vajtswv txojlus.
- Rau Xh.Foomtsav tub nws tsev neeg,uas tuaj nyob tim no pab peb.
- Rau txhua tus uas muaj feem pab tuaj rau dejnum tim no
- Kom muaj cov neeg tuaj pab peb ua dejnum rau tim no.

Thov caw sawvdaws tuaj nrog peb ua dejnum tim no, vim tseem muaj dejnum ntau heev tosawvdaws tuaj pab.

hangsuphan@gmail.com Xovtooj 097-9927735. 085-7178622

